

آبونه اولوق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرنندن برمجیدیه اخذ
ایدیلور

نسخه سی ۴۰ پاره در

فکر دیکر محاکمه علییه

سنه لکی در سعادت ایچون مجیدیه
بکرمی غروش حسابیه التمش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه یه متعلقدر

تجربیات

عدلیه نظارت جلیله سی طیبی سعادتلو لئون افندی به
ترفعاً رتبه اولی صنف نایسی توجیه بیورلمشدر.

تبلیغات

سرکز بک مع فائض و مصارف محاکمه یدی بیک
سکیزوز کسور عثمانی لیراسی اعطاسیله محکومیتنی
حاوی محکمه استیناف حقوق قسمندن ویریلوب
عند التیمیز اولاً نقض و اخیراً تصحیح قرار طریقیله
تصدیق اولنان اعلامدن طولانی مصارف محاکمه تمیزیه ایله
طرف خصمک قانوناً تصدیق اولنه حق ضرر و زیانی
تأدیه و ایضایه کفالت ایتمش اولان آرتین شقاریانک
تمیز استدعاسی تاریخندن تصدیق حاوی تنظیم اولنان
اعلام تاریخنه قدرگذار ایدن مدت طرفنده مبالغ محکوم
بهانک ایشله مش اولان فائضیه بلا حکم مواخذه سی
لازم کلوب کلیه جکی و کفالت واقعه نك تصحیح قرار
نتیجه سنه ده شمولی اولوب اولیه جکی حقدنه استفسار معا
مله یه دایر بک اوغلی بدایت محکمه سی ریاست اولاسندن
اعطای قلنان مذکره اوزرینه ایجاب کیفیت انجمن
عدلیه جه لای التذکر تمیز دعوا سنه بولان سرکز بک
محکمه تمیزجه بالاخره حقمنز چیقهرق اولب ابدیه کی
اعلام استینافی تصدیق اولنش و تدقیقات تمیزیه نك
متممی اولوق اعتباریه دعوی تمیزه کفالت ایدن مزبور
شقاریانک تصحیح قرار اوزرینه جریان ایتمش اولان
معامله نتیجه سنه کفالت مذکور سنك شمولی طیبی
بولنش اولدینی کی عند التیمیز ارانه اولنان کفالت نك
اقداریله کفالت واقعه سنی مین اولان سندات
زیرنده کی مهر و امضالری علی الاصول مقاولات
محرر لکلرندن مصدق اولسنه و کفالت مزبوره
مصارف محاکمه تمیزیه ایله ضرر و زیانک و اعلام تمیز بهک
حاوی اولدینی مبالغک تأخیر تحصیل طلب اولدینی
صورنده مبالغ مذکور نك تأدیه و ایضا اوله جغنی
ناطق اولوق لازم کله جکی اصول محاکمه حقوقیه قانوننک

ایکیوز بکرمی ایکنجی و ایکیوز بکرمی دردنجی ماده لری
احکامندن بولمنسه نظراً بویولده کفالت ایدنلردن دائره
اجرادن آلتان کفیللرک بلا حکم مواخذه سی حقدنه کی
اجرا قانوننک اللنجی ماده سی ذیلنه توفیقاً حقارنده
بشقجه حکم و اعلام استحصاله حاجت اولقسزین
مکفول بهی ادا ایتدکری تقدیرده اموال و املاکنک
حجز و فروختی و کندولرینک حبس و توقیفی مثللو
قانون مذکورک تعریف و ارانه ایلدیکی معاملات
اجرائیه نك لزوم جریانی جای تردد اولیوب شوقدرکه
مقدارنده اختلاف و نزاع طیبی اولان ضرر و زیان
ایله بوجهلر دن بولنان مبالغ محکوم بها فائض نظامیسنک
تعیین مقداری صلاحیتی مأمورین اجرائیه نك حائز
و بناء علیه بولنرک دخی بلا حکم تحصیلی جائز اولدینی
جهتله انجمنک مقررات سابقه سنه کوسترلیدی اوزره
یالکز حقمنز لکی تین ایدن طرفدن لزوم استیفاسی
تمیز اعلامنده مرقم بولنان مصارف محاکمه تمیزیه ایله
اعلام تمیز به حکمنک اجراسنه کفالت ایدنلردن اشبو
اعلامک محتوی اولدینی رأس المال ایله بالحساب قرار
آلتنه آلتان فائضک تکرار حکم و اعلام آرانلقسزین
مقاولات محرر لکلندن مصدق سندات رسمیه مندرجانه
استناداً کفیللردن تحصیلی خصوصانته حصر معامله
اوله رق ضرر و زیان و فائض کی محتاج محاکمه کورینان
جهات ایچون محکمه عانده سنه مراجعت لزومنک
محکوم لهره تفهیمی مقتضی کورنمش اولدیفندن بو
خصوصده واحوال نمائنده صور محرره و جهله معامله
ایفاسی ایجاب ایدیه جکی انجمن مذکور دن افاده وعدلیه
نظارت جلیله سنندن دخی لازم کلانلره اولوجهله
تبلیغ ماده قلنمشدر.

محاکمه مقدمات

لنقطه قضاسنک صای یار قریه سنندن علی خواجه
ایله محمد پهلوانه قتل قصیدیه تشهر سلاح ایلدیکی ادعا
اولمنسندن طولانی جنایتله اتهام اولنان قریه مذکور
رهلی محمد بن ممشک اوچ سنه مدته کورکه قونلسنه

دائر سلانیک ولایتی استیناف محکمه سی جزا دائره
سندن ویریلان یوز یتمش ایکی نومرولی اعلام
مارغلیچ قضاسنک وارقان قریه سی اهالیسنندن
عثمان بن آدمی قتل ایتمنسندن طولانی جنایتله اتهام
اولنان شعبان بن نجییک اون بش سنه مدته کورکه
قونلسنه دائر پروزه سنجاغی بدایت محکمه سی جزا
دائر سنندن ویریلان اوتوز اوچ نومرولی اعلام
قرق کلیسالی علی اغا زاده نك کیفیت قتلندن
طولانی جنایتله اتهام اولنان حسین بن عاطفک
اون بش سنه مدته کورکه قونلسنه دائر قرق کلیسا
سنجاغی بدایت محکمه سی جزا دائر سنندن اوچنجی
دفعه اوله رق ویریلان اون یدی نومرولی اعلام
اسکوب قضاسنک رحمانی قریه سی اهالیسنندن
راغب بن ادریسک کیفیت قتلندن طولانی جنایتله
اتهام اولنان الماس بن خضرک اون بش سنه مدته
کورکه قونلسنه دائر قوصوه ولایتی استیناف محکمه سی
جزا دائر سنندن ویریلان یوز اونبر نومرولی اعلام
ناسلیچ قضاسنک ویراطین قریه سنندن خرستو
مترونک قیون سورینسی باصره رق جبر و شدت استعمالیه
اللی رأس قیوتی اخذ و سرقت ایتلرندن طولانی
جنایتله اتهام اولنان بودغوریجه لی قصاب مصطفی نام
دیگر مویو بن حسن و صمارینسلی اسپرونک دردر
سنه مدتلرله کورکه قونلرینه دائر سر فیجه سنجاغی
بدایت محکمه سی جزا دائر سنندن ویریلان ایکیوز
اوتوز یدی نومرولی اعلام

بیروته مقیم جمیل بن حسین محضانی به قتل
قصیدیه تشهر سلاح ایلدکری ادعا قلنمنسندن
طولانی جنایتله اتهام اولنان جیران بن حبیب و قو
ندیره جی الیاس بن اسکندرک اوچر سنه مدتلرله
کورکه قونلرینه دائر بیروت ولایتی استیناف
محکمه سی جزا دائر سنندن ویریلان اوچبوز بکرمی
ایکی نومرولی اعلام

قرجه علی قضاسنک اوردکر قریه سنندن علی بن
حسنک کیفیت قتلندن طولانی جنایتله اتهام اولنان
راسم بن فرهادک اون بش و رفیق عبدینک اوچ سنه
مدتلرله کورکه قونلرینه دائر ادرنه ولایتی استیناف

محکمه سی جزا دائره سندن ویریلان ایکینوز قرق الی
نومرولی اعلام

مولود بن عثمان چاوشی قتل ایلدیکی ادعاسندن
طولانی جنبه اتهام اولنان باطومی کورجی اسماعیل
بن محمد علینک اون بش سنه مدته کورکه قولسنه
دائر اذمید سنجایی بدایت محکمه سی جزا دائره سندن
ویریلان ایکینوز یکرمی اوج نومرولی اعلام

کیلانک اسورجه قریه سندن مصلح بن سلیمان
قتل قصیده جرح ایتسندن طولانی جنبه اتهام
اولنان قریه مذکورده روحان بن یشارک اوج سنه
مدته کورکه قولسنه دائر پرشته سنجایی بدایت
محکمه سی جزا دائره سندن ویریلان قرق ایک
نومرولی اعلام محکمه تمیز جزا دائره سنجیه تصدیق
اولمشدر .

۲۱۵ نومرولی نسخه ده مندرج در سعادت
جنایت محکمه سی اعلامنک مابعدی :

بنام علیه ۱۶ ایلول سنه ۳۱۸ تاریخلی ضبط
ورقه سی ایله ۱۷ ایلول سنه ۳۱۸ تاریخلی ضابطه
عدلیه تقریری و مقتوله امینه خاتمک و مهم عبدالحک
کشف و معاینه لرلی حاوی راپورلر اوقوندیرلیدی .
بونلردن تقریرده : ات یزده بایزید جدید محله سنده
چاوش زاده زقاغنده اون یدی نومرولی خانه ده
متصرفاً ساکنه ایکن مقتولاً وفات ایدن یوز باشی
متوفی محمد افندی زوجی امینه خاتم حقه سنده
تحقیقات محلیه به بالابتدار مزبورده نك لاب برادری
عباده جلب اولنه رق استجواب ایدلدکده کندوسی
قونیه ولایتی داخلده خادم قضای اهایلسندن اولوب
۸ تموز سنه ۳۱۸ تاریخنده در سعادت کله رک همشیره سی
خانه سنده بر ارجه اقامت اتمکده ایکن تاریخندن طقوز
اون کون مقدم مزبور کندوسی خانه سندن طرد اتمکده
بردها کورمدیکنی افاده و مؤخرأ تحویل لسان ایله
خانه دن طرد اولندقدن اوج کون صکره قوجه مصطفی
پاشاده ساکن حافظ خلیل ابراهیم افندی ایله برابر
کیدوب مزبورده نك کندوسنه : «اوتایمیه رقیه سی کلدک؟»
دیهرک خانه سنده قبول اتمدیکنی و آندن صکره ده بردها
کیتمدیکنی حکایه و تکرار ایراد اولنان سؤاله جواباً
برکون صکره ده مرقوم خلیک والده سی هر مزخانله
کیدرک همشیره سی مزبورده بوله مدقلندن اتصالده کی
بیکاشی رفت بکک خانه سندن سؤاللرنده بیلمدکری
جوابی آلدقیرنی وایکی کون صکره محله بکجیسی
محمد اغا ایله برلکده کتمش ايسده بیه خانه سنده
بوله مدقلرینی وایکی کوندن بروده اوغرامدینی و طرد
اولندقدن صکره اولایکی کیجی مرقوم خلیک

یدری یوسف افندی نك خانه سنده وایکی کیجه ییده
اقسرایده مستان اغا قهوه خانه نك اوکندکی بیکه
اوزرنده و آلتی کیجه یی دخی ات یزده امام فیضی
افندی نك قهوه خانه سنده یکیردکی و اوج کون مقدم
مومی الیه فیضی افندی به مراجه تله مملکتته کیده .
جکندن بالبحث همشیره سنده آله جنی اولان درت
لیرا ایله مرور و قفس تذر کله لرلی آلیورمسنی
و همشیره نك ورمامکده اولدینی سوبلدیکی بولنده
بیان ماده ایلدیکی و مرقومک صول الینک بارمغک
ایچ طرفنده کی بچاق جرحه نك نه صورته اولدینی
سؤالنه دخی اولای درت کون مقدم زقاغده کیتدیک
و مؤخرآده مرقوم مستان اغانک قهوه خانه سنده
اوطوردینی اشناده طرناغی برجام پارچه سی ایله
قازیقده ایکن حاصل اولدینی و همشیره نك کیفیت
قتلندن معلوماتی اولدینی آیان و کوملکنک صول
قولی و طوننک آرقه طرفنک باغ طرفی وصول
بویننک ایچ طرف اوکیسی اوزرنده کی لکله رک قان
لکسی اولدینی و بیاض مندیله دخی بعضاً الی
سیلدیکندن اوزرنده کی قانک آندن بولاشمش اوله جنی
و همشیره نك ایکی عدد بشی بریده آلتونی ایله برچفت
الماس کوبه سی و رالماس یوزوکی اولدینی بیلورایسده
قنودی اولوب اولدیفندن معلوماتی اولدینی درمیان
استدیک مذکور وضبط ورقه سنده دخی متوفی
محمد افندی زوجی امینه خاتمک مقتولاً خانه سنده
یاقمده اولدینی اوچوز اون سکر سنه سی ایلولنک
اونالتی بازار ایتسی کونی اخبار ایدلسی اوزرنه
درحال محل وقعه یه کیدلدکده مذکور خانه صغیر
وایکی قاتلی وزقاق جهندن دخوله غیر مساعد
و آلتقات پخیرلری تیمورله مسدود و خانه نك برجه یی
بیکاشی رفت افندی نك خانه سنده و دیگر جهتی
برعرصه یه متصل و خانه باغچه نك خارجی دخی کیر
بربوستان ایله محاط و محدود اولوب درونه کیریلنجه
صاغ طرفده کاش باغچه ناظر ایکی پخیرملی بر اوطه
ایچنده مزبورده نك یاقمده اولدینی و عند المعاینه
بوغازینک همان درنده اوج پارچه سی قطع ایدله رک
اشبو کیر جرحه نك یاننده دخی دیگر برعمودی
جرحه ایله صاغ الینک بیلک محلنده و کذلک جهات
سائر سنده دخی برچوق جراحات کورلدیکی و مقتوله نك
اوزرنده کی البسه ایله صاغ طرفنده طوران پوستینک
ایکی محلنده و پخیره نك اوکند بولنان اوت مندرک
قرمزنی طوقومه اورتوسنک کنارنده و مزبورده نك
یاقمده اولدینی محکک دوشمه تحته لری اوزرنده قوریش
قان لکله لرلی مشاهده قلندینی و مقتوله ده کوریلان
سائر اعراض ایله معاینه سی اجرا ایدن اطبانک
افاده لرینه نظراً فعل قتلک برقاچ کون مقدم ایشاع

اولندیفنک اکلاشیدینی و مقتوله نك یاننده قان لکسی
بولنامسنه مینی اوطه نك قیوسی یاننده دم لکسیله
قالی چقمش اولان برانسان ایغی ایزینک غیریسی
طرفندن اولای مذکور قان پختیلرینه باصلدقدن صکره
اورایه چقمش اولدینی واشبو ایزک یاننده ورده
زقاق قیوسنک اوکنه بره قولش اولان تحته رک
اوزرنده و بشقه جه مذکور اوطه نك صاغ طرفنده
باغچه یه کیدله جک مطبخ قیوسنک اشیک ایله مالطه
طاشندن یاردمترو طول و عرضنده کی اشیک اوزرنده
دم لکله لرلی کورلدیکی و مذکور اوطه نك آلتنده کی
بودروم دخی عند المعاینه اورایه قولش اولان
اودونلرک اوزری کاملاً مقتوله نك قانیله ملمع ایدوکی
و خانه نك اوست قاننده کاش ایکی اوطه ایله جهات
سائر سنده بولنان اشیا نك برلی رنده بولسنه کوره
قاتلک اشبو خانه به تمامیه آشنا طاقتدن اولسی لازم
کله جکی و باغچه دن بوستانه اتلامق قابل ايسده چقمق
برکشی ایچون قابل اولماسنه و دیوار کره میترنده
دخی قیری قی و دوکوک بولنامسنه بناء قاتلک زقاق
قیوسی آچهرق ایچروبه کیردکی و مزبورده نك لاب
برادری عبدالحک عند الاستجواب وقوعبولان
افاداسندن و آلتنده کی جرحه ایله اوستنده کی البسه ده
قان لکسی بولنندن و مرقومک همشیره سی مزبورده
ایله بعد المنازعه خانه دن طرد اولننندن و دلائل
سائرده ن فعل قتلک مرقوم عباده طرفندن ایشاع
اولندیفنک حس ایدلیدی مسطر در .
(مابعدی کله جک نسخه به)

داربجه ده چتاق عارف اغانی قتل قصیده جرح
ایلدیکی ادعایله مهم بولنان ولی حقه ده اجرا قلنان
محاکمه نتیجه سنده مرقومک عارف اغانی جرح ایتدیک
حقده حکم ایچون تأمین وجدان ایدمکک اسبابه
دسترس اولمه دیفندن برانته ۲۳ تشرین اول سنه ۳۱۹
تاریخنده محکمه جنایتجه قرار ویرلمشدر .
غلطه ده درویش علی نی ضرب ایله و فاته سبیت
ویردیک ادعایله مهم بولنان بکچی مصطفی حقه ده
اجرا قلنان محاکمه نتیجه سنده مرقومک فعل مذکورده
اجتساری اصولاً تبیین ایده مدیکندن برانته ۱۸
تشرین اول سنه ۳۱۹ تاریخنده محکمه جنایتجه قرار
ویرلمشدر .

بک اوغلنده ترلا باشنده کاش خاچی بیه رک
خانه سندن سر قته تصدی ایتدکری ادعایله مهم
بولنان یونانی یانی و نیقولی حقارنده اجرا ایدیلان
محاکمه نتیجه سنده مرقومانک لیلای خانه جوارنده
طولاشدقیرلی صره ده در دست اولندقیرلی
اخبارات و دلائل و امارات ایله ثابت اولوب ایشاق

یدلرنده بولنش اولان آلات سارقینی خانه مذکور
قیوسنه وضع و استعماله تصدی ایتک کی بر مقدمه
اجرایه به ثبت ایتدکری اکلاشیه مدیفندن عدم
مسئولیتلرینه ۱۸ تشرین اول سنه ۳۱۹ تاریخنده
محکمه جنایتجه قرار ویرلمشدر .

خاصکیده فاطمه خاتمک خانه سندن سر قته تصدی
و بولیس چاوشی عثمان فائق افندی به روولور انداخت
ایلدیکی ادعایله مهم بولنان قائم پاشالی حسین
و حیل نام دیگر علی نام دیگر جمال حسن حقارنده
اجرا قلنان محاکمه نتیجه سنده مرقومانک علی نام
دیگر جمال حسنک مجهول رفیقارله مسلح اولدینی
حاله فاطمه خاتمک خانه سندن سر قته تصدی ایدلیدی
و بولیس چاوشی عثمان فائق افندی به دخی روولور
انداخت ایتدیک شاهدلرک شهادتی و دلائل سائر نك
انضامی ایله ثابت اولدیفندن مجرمینه و قانون جزانک
ایکی یوز اوتوزنجی ماده سنده علاوه سی دلائله ایکی
یوز یکرمی برنجی ماده سی حکمنه توفیقاً اوج بچق سنه
مدته کورکه قولسنه ۲۱ تشرین اول سنه ۳۱۹
تاریخنده محکمه جنایتجه قرار ویرلمشدر .

عاشق پاشا محله سنده یکی حمام جاده سنده دلبر
خانمی جرح و قتل ایلدیکی ادعایله مهم بولنان
سلاک جلیل عسکریدن مطرود صالح نام شخص
حقده اجرا قلنان محاکمه نتیجه سنده مرقومک اثنای
منازعه ده بالهور مزبورده جرح و قتل ایلدیکی دیوان
حرب حضورنده سبق ایدن اقرارینک اخبار اولنسی
و شاهدلرک علی الدرجات واقع اولان شهادتی و معاینه
راپوری مندرجاتی ایله ثابت اولدیفندن اول وجهله
مجرمینه و قانون جزانک یوز یتش دردنجی ماده سنده
فقره اولامی حکمنه توفیقاً اون بش سنه مدته کورکه
قولسنه ۲۲ تشرین اول سنه ۳۱۹ تاریخنده محکمه
جنایتجه قرار ویرلمشدر .

خواجه پاشاده سنجیلرده قهوه جی چراغی عمر
ایله حسنی قتل قصیده جرح ایتدیک ادعایله مهم
بولنان قوندره بواجیسی محمد شریف حقده اجرا
قلنان محاکمه نتیجه سنده مرقومک بلنازعه مرقومانی
قتل قصیده جرح ایتدیک سبق ایدن اقرارینک
اخبار اولنسی و عند الحاکمه واقع اولان صورت
افاده سی و معاینه راپوری مندرجاتی ایله ثابت اولد .
یغندن مجرمینه و قانون جزانک یوز سکسانجی ماده سی
حکمنه توفیقاً اوج سنه برمه مدته کورکه قولسنه ۲۲
تشرین اول سنه ۳۱۹ تاریخنده محکمه جنایتجه قرار
ویرلمشدر .

معاملات ایتدیک

بالیه قضای ناجی و بدایت محکمه سی رئیس توفیق
واعضادن مستطللک و طیفه سی ایتادین ایلیا و مستطللک
معاونی احمد افندی لک خلاف قانون معاملات ایله
وظیفه مأموریتلر نی سوء استعمال ایلدکری خداوندکار
ولایتی استیاف محکمه سی مدعی عمومیکندن کوندریلان
اوراق تحقیقه مندرجاتندن اکلاشیه رق مستطللک
معاونی مومی الیه حقه ده دخی برلکده تعقیبات قانونیه
اجرا اولنق اوزره رئیس و اعضای مومی الیه مانک
محاکمه آلتیه آلتیه عدلیه نظارت جلیله سندن مأذونیت
و بریله رک مذکور مدعی عمومیکک تبلیغات لازمه
اجرا و رئیس مومی الیه ک کیفیت محاکمه سندن طرف
عالی مشیختاهی به معلومات اعطا قلنمشدر .

الانبات

نجات بحریه محکمه سنده :

مرجانه جامع شریف اتصالده دکانده ساکن
ایکن تجارت بحریه محکمه سندن افلاسنه حکم اولنش
اولان کاسله جی نیقولاکی قاوولانک خصوصات
افلاسیه نك رؤیت و تسویه سی ضمنده دعوی
وکیللرندن ظریف اوغلی فوطساک و آوارم نعلوم
افدیله اصالة سندیک تعین قلنمش اولدقیرندن
مفلس مرقوم ذمتده آله جنی اولنلرک قانوننامه
تجارتک ۱۹۹ و ۲۰۰ نجی ماده لرلی موجبجه تحقیق
دیون ایچون تاریخ اعلانن اعتباراً یکرمی برکون
ظرفنده سنداتی محکمه کاتبه تسلیم ایللری و مدت
مذکوره ختامندن صکره اوج کونده یعنی ۳۱۹
سنه سی تشرین نایسنک اون بشنجی جمعه ایرتسی
واون بدنجی بازار ایرتسی واون سکرنجی صالی
کونی تجارت بحریه محکمه سنده افلاس اوطه سنده
کله رک سندیک افدیله ر مواجه سنده آله جقیرنی اثبات
وقید و تصدیق ایتدیرملری و مدت مذکوره ده اثبات
وجود ایدمیان آله جقیرلر حقه ده قانون مذکورک
۲۱۰ نجی ماده سنده توفیقاً ایفای معامله اوله جفی اعلان
اولنور .

ادرنه قیوسنده فرونده ساکن ایکن تجارت بحریه
محکمه سندن افلاسنه حکم اولنش اولان اتمکچی
سیموس یوانینک خصوصات افلاسیه نك رؤیت
و تسویه سی ضمنده دعوی وکیللرندن عزتو آگاه
بک ایله علسکندر افندی پیرام اوغلی اصالة سندیک

تعین قلنمش اولدقیرندن مفلس مرقوم ذمتده
آله جنی اولنلرک قانوننامه تجارتک ۱۹۹ و ۲۰۰ نجی
ماده لرلی موجبجه تحقیق دیون ایچون تاریخ اعلانن
اعتباراً یکرمی برکون ظرفنده سنداتی محکمه کاتبه
تسلیم ایللری و مدت مذکوره ختامندن صکره
اوج کونده یعنی ۳۱۹ سنه سی تشرین نایینک یکرمنجی
بشنجیه یکرمی ایکنجی جمعه ایرتسی ویکرمی دردنجی
بازار ایرتسی کونلرنده تجارت بحریه محکمه سنده افلاس
اوطه سنده رک سندیک افدیله ر مواجه سنده آله جقیرنی
اثبات وقید و تصدیق ایتدیرملری و مدت مذکوره ده
اثبات وجود ایدمیان آله جقیرلر حقه ده قانون
مذکورک ۲۱۰ نجی ماده سنده توفیقاً ایفای معامله
اوله جفی اعلان اولنور .

بالق بازارنده سونکرچیلر جاده سنده مقیم صراف
مارقو طودوسیادیسک ۳۰ تشرین اول سنه ۳۱۹
تاریخندن اعتباراً اعلان افلاسنه و مصالح افلاسیه نك
رؤیت و تسویه سی ضمنده اعضا ملازمی مکرمتو
اسماعیل بکک ژورقومیسر و دعوی وکیللرندن آگاه بک
ایله طناشاک یورکادی افندی نك موقت سندیک
تعینلرینه و مغازه سیله اشیا زائده بیتیه نك تمهرینه
اوراق و دفاترینک جلبه و کفالت ارا نه ایدمیدیک
حاله حبس و توقیفه و بویاده کی قرارک موقه آجرا سنده
محکمه تجارت بحریه جه قرار ویرلش اولدقیرندن قانون
نامه تجارتک ۱۷۰ نجی ماده سی موجبجه دائمی سندیکلر
انتخاب اولنق اوزره تشرین نایینک اون بشنجی جمعه
ایرتسی کونی ساعت یدی راده لرنده انتخاب مطلوبک
محکمه مذکوره نك افلاس اوطه سنده کلری اعلان اولنور .

غلطه ده کرک زقاغنده بواجی دکانده ساکن
ایکن تجارت بحریه محکمه سندن افلاسنه حکم اولنش
اولان یانی قویانیدینک خصوصات افلاسیه نك رؤیت
و تسویه سی ضمنده دعوی وکیللرندن محمد بهرام افندی
اصالة سندیک تعین قلنمش اولدقیرندن مفلس مرقوم
ذمتده آله جنی اولنلرک قانوننامه تجارتک ۱۹۹
و ۲۰۰ نجی ماده لرلی موجبجه تحقیق دیون ایچون
تاریخ اعلانن اعتباراً یکرمی برکون ظرفنده سنداتی
محکمه کاتبه تسلیم ایللری و مدت مذکوره ختامندن
صکره اوج کونده یعنی ۳۱۹ سنه سی تشرین نایسنک
یکرمنجی بشنجیه ویکرمی ایکنجی جمعه ایرتسی ویکرمی
دردنجی بازار ایرتسی کونلرنده تجارت بحریه محکمه سنده
افلاس اوطه سنده رک سندیک افندی مواجه سنده
آله جقیرنی اثبات وقید و تصدیق ایتدیرملری و مدت
مذکوره ده اثبات وجود ایدمیان آله جقیرلر حقه ده

قانون مذکور ۲۱۰ نجی ماده سنه توفیقاً ایفای معامله اولنه جنی اعلان اولنور .

ایکنجی تجارت محکمه سنه :

بک اوغلنده یکیشهر جاده سنده ۱۱۵ نومرولی مغازه ده مقیم بقال استفانی فقچالی برادرلر و شرکتک ۲۷ تشرین اول سنه ۳۱۹ تاریخندن اعتباراً اعلان افلاسنه و مصالح افلاسیه نیک رؤیت و تسویه سی ضمنده اعضای محکمه دن سعادتلو جمیل بکک ژوز قومیسر و دعوی وکیللرندن سموئل انسطاسیادی و یورغاکی یوانیدی افدیلرک موقت سندیک تعیینلرینه و مغازه سیله اشیا زائده بیتیه سنک تمهیرینه و اوراق و دفاترینک جلبنه و کفالت معتبره ارانه ایلیه مدیکی تقدیرده حبس و توقیفنه و بوباده کی قرارک موقهً اجراسنه ایکنجی تجارت محکمه سندن قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره بیک اوچیوز اون طقوز سنه سی تشرین ثانیسنک اون ایکنجی چهارشنبه کونی ساعت الی راده لرنده اصحاب مطلوبک محکمه مذکوره نیک افلاس او طه سنه کلری اعلان اولنور .

بک ارغلی بدایت محکمه سی برنجی حقوق دأره سنه :

پدری مصطفی افندی دن موروث اولوب عهده سنه انتقال ایدن قاسم پاشاده جامع کبیر محله سنده ترشیچی زقاغنده درت و سکر و اون و محل مذکوره کلخن زقاغنده درت و سیل قبوسنده الی برنومرولر ایله مرقم وقف دکا کین حصه لریله قصاب زقاغنده کائن بش نومرولی وقف عرصه ده کی حصه شایعه سنک عهده سنه انتقال اولنه جنی صروده مذکور دکا کین و عرصه ده کی حصه لرک محمود پاشاده بیوک یکی خنده درت نومرولی او طه نی اقامتگاه اتخاذ ایتش اولان تبعه دولت علیه دن خیار سوم اشکیان طرفندن [۲۴ مایس سنه ۱۲۹۷] تاریخنده حجز آله آلدرلیدی استخبار قلمش اولدیغندن مذکور حجزک فکی سلطان سلیم جوارنده دباغ بونس محله سنده چفته چشمه لر زقاغنده ۲۷ نومرولی خانه ده مقیمه شاذیه خانم طرفندن طلب اولنقدن ناشی اولباده مدعی علیه خیار سومک مذکور اقامتگاهنه تبلیغ ایدیلان دعوتنامه ظهیرینه مذکور خانک او طه باشیسی عبدالغنی افندی طرفندن مرقومک مذکور خانه اولمیدینی یازیلان شرحدن اکلا شلمش و مدعیه شاذیه خانم تبلیغاتک غزله لر ایله اعلانی طلب ایدوب اشبوطلی اصول محکمه حقوقیه قانوننک یکرمی التنجی ماده سنه موافق کورلش و اجرای محاکمه دخی اوچیوز اون طقوز سنه سی تشرین ثانیسنک اوننجی بازار ایرتسی

کونی ساعت یدیده مقرر بولنش و اولباده کی دعوتیه ورقه سی بک اوغلی بدایت محکمه سی برنجی حقوق دأره سنک دیوانخانه سنه تعلیق اولنش اولغله یوم و وقت مزبورده مدعی علیه مرقومک محکمه مذکوره یه بالذات کلسی و یا خود طرفندن مصدق سندله بروکیل کوندرمسی و خلافی تقدیرده قانون مذکورک یوز قرق بشنجی ماده سی حکمه توفیقاً دعوی مذکوره نیک غیاباً فصل ورؤیت اولنه جنی اعلان اولنور .

سولیک تجارت محکمه سنه :

اولجه و قوعبولان افلاسلری اوزرینه اصحاب مطلوبیه قوتقورداتو عقد ایتدکلی حالده قوتقوداتو احکامنی و تعهدات واقع لری اجرا و ایفا ایتیان فراتللی تبراً عنوانیه معنون شرکت و اعضا سنک کافی السابق محجوزیتلریله مالربنک ماسیه انتقالنه و اولجه عقد ایدیلان قوتقورداتو مقاوله سنی مصدق اولان اعلامک کسب قطعی ایتدیکی تاریخندن اعتباراً منفک اولان محجوزیتک و ختام بولش اولان شخصیت مغویه نیک اعاده سی و معقود قوتقورداتونک فسخی و ماسه معاملاتک رؤیت و تسویه سی ایچون اعضای محکمه دن رفعتلو فؤاد افندی نیک ژوز قومیسر و دعوی وکیلی عزتلو اسحق توفیق افندی ایله محاسبه باش کابی ثروت و بانکر میشون عسائل افدیلرک موقت سندیک تعیینلری و اموال و اشیا تجارتیه و مقتضیه نیک کیفیت تمهیر و محافظه آله آلدرلیمسنده ایجابات قانونیه نیک اجراسی لزومه ۱۵ تشرین اول سنه ۳۱۹ تاریخنده سلانیک مرکز تجارت محکمه سنجه قرار ویرلش اولدیغندن قانوننامه تجارتک یوزیتشنجی ماده سی موجبجه دائمی سندیکلرک انتخابی و معاملات لازمه سائر نیک ایفاسی ضمنده (۲۷ تشرین اول سنه ۳۱۹) بازار ایرتسی کونی ساعت یدی راده لرنده اصحاب مطلوبک محکمه مذکوره یه کلری اعلان اولنور .

در سعادت تجارت محکمه سی اجرا دأره سنه :

اوستریا و مجارستان دولتی تبعه سندن استانبولده باغچه قبوسنده انانیادی خاننده یکرمی اوچ نومرولی او طه ده مقیم موسیو ایزیدور بومقارتنک استانبولده محمود پاشاده کورکی خاننده یکرمی اوچ نومرولی او طه ده ساکن تجاردن اغوب موجیان علیه اقامه ایتش اولدینی آلا حق دعواسی اوزرینه سند بدلی اولان اوچیوز طقسان ایکی فرانکک مع فائض بالغ اولدینی درتیوز یکرمی بر فرانق و یتش طقوز سانتیمی مع مصارف محاکمه مدعی علیه مرقوم اغوب موجیانندن بالتحصیل مدعی ایزیدور بومقارتنه اعطاسنه و حین تأدیه سنه

دکین رأس المال مذکوره کذشته یوریدلمسنه دأثر قابل اعتراض اولق اوزره برنجی محکمه تجارتدن اعطا قلنان ۱۹ اغستوس سنه ۳۱۹ تاریخلی و ۷۳ نومرولی اعلام غیابنک صورت و صدقه سی مدعی علیه الیوم غائب اولوب اقامتگاهنک مجهول بولنسی حهته اعلاناً تبلیغی اجرا قلمش و حکم اعلامک انفادی مدعی وکیل قسطاکی مالینوپلو افندی طرفندن باعریضحال طلب ایدلش اولدیغندن تاریخ اعلاندن اعتباراً طقسان بر کون ظرفنده مدعی علیه مرقوم دأثره اجرایات وجود ایله مع فائض و مصارف محاکمه مبلغ محکوم بهی تسویه ایتدیکی و قانوناً شایان قبول بر جواب ویرمدیکی تقدیرده حکم اعلامک اجرا و معامله نظامیه ایضا اولنه جنی مین تنظیم اولنان اشبو اخبارنامه اصول محاکمه حقوقیه قانوننک یکرمی التنجی و اجرا قانوننک یکرمی طقوزنجی ماده لری موجبجه مدعی علیه مرقومه تبلیغ ایدلش عدا و لنق اوزره محکمه تجارت اجرا دأره سی دیوانخانه سنه تعلیق اولدینی کبی غزله لرله دخی اعلاننه مبادرت قلندی .

یانی قره یانیدینک دوقور میرلوا سعادتلو لفر پاشا ذمتنده ایکنجی محکمه تجارتدن ویریلان ۱۰ حزران سنه ۳۰۹ تاریخلی و ۲۷۱ نومرولی اعلام موجبجه محکوم به آلاجنکک تأمین استیفاسی ایچون مدیون مومی الیهک چنکل قریه سننده حسین پاشا سدی زقاغنده یکرمی درت نومروایله مرقم مع باغچه بر باب خانه سی داین مرقومک باعریضحال وقوع طابنه بناء ۲۸ شباط سنه ۳۱۶ تاریخنده حجز آله آلدر لمشیدی بوکره مذکور خانه مسکنی اولدیغندن بختله حجز مذکورک فکی مدیون مومی الیه طرفندن باعریضحال طلب واستدعا قلمش و داین مرقومک بودفعه وقوع وفاتی جهتیه وره سنک محل اقامتی مجهول ایدوک خبر ویرلش اولغله تاریخ اعلاندن اعتباراً طقسان بر کون ظرفنده داین مرقوم وره سنک محکمه تجارت اجرا دأره سننده اثبات وجود ایدرک شایان قبول بر دیه جکی اولدینی حالده بیان الیمسنی و خلافی تقدیرده حجز موضوع مذکورک فک ایدیه جکنی مین تنظیم قلنان اشبو اخبار نامه اصول محاکمه حقوقیه قانوننک یکرمی التنجی ماده سی موجبجه وره مرقومه تبلیغ ایدلش عد اولنق اوزره دأثره مذکوره دیوانخانه سنه تعلیق اولدینی کبی غزله لرله دخی اعلاننه مبادرت قلندی .